

inter nos pepigimus; obsecrans per summi regna tonantis, uti nostri nominis iuxta 803?
 vestrae promissionis veritatem in sacrosanctis orationibus memoriam habere digneris; ^{ante diem}
 etiam a servis Dei intercessionem pro me fieri iubeatis, qui sunt in monasteriis per ^{13. Aprilis}
 vestrae diocesis^a latitudinem. Nam ego, plurimis huius saeculi iaculis vulneratus,
 5 diem trepido animo expecto, quo duci ad iudicium vocer^b ignorans, quid habeam
 respondere iudici meo Iesu Christo, qui mihi tanta tribuit in hoc, saeculo bona; et
 ego quasi his omnibus ingratus plurima feci, quae non debui.

Tu vero, sanctissime pater, secundum caritatem, quam habes in membra Christi,
 et fidem probatam in salvatorem nostrum me assiduis orationibus adiuvare digneris,
 10 ut misericordem inveniam dominum Deum meum. Te quoque ipsum iuxta sapientiam
 tibi a Deo datam in omni bonitate praepara ad occursum illius, ut dignus habearis
 cum multiplici laboris tui fructu gaudens et gloriosus stare ante tribunal Christi,
 atque ex brevissimo huius vitae labore aeternam donante Deo beatitudinem cum
 sanctis omnibus intrare merearis. Dominus Iesus, qui ait: 'Per me si quis intraverit, ^{Ioh. 10, 9.}
 15 salvabitur, ingredietur et egredietur', custodiat introitum tuum et exitum tuum ex hoc ^{Ps. 120, 8.}
 nunc et usque in saeculum, sanctissime pater.

264.

Alcvinus Arnoni archiepiscopo Salisburgensi se litteras eius familiares per Adalwinum episcopum ad S. Martinum venientem accepisse nuntiat. Odulfum comitem, capellanos, monachos S. Hrotberti de officiis admonere exoptat. 803? ante diem 13. Aprilis.

20 *Codd. S 1 fol. 214—215' (S 1* fol. 143'—146').
 Edd. M 24, F 113, J 202. — Migne col. 402.*

SANCTISSIMO PATRI AQUILAE ARCHIPONTIFICATUS HONORE SUBLIMATO HUMILIS LEVITA
 ALBINUS AETERNAE PACIS ET PROSPERITATIS SALUTEM.

Veniente dulcissimo fratre^a Adalwino episcopo¹ orationis gratia ad Sanctum Mar-
 25 tinum, suavissima vestrae salutationis deferens nobis verba, et optatae prosperitatis
 vigorem adnuntians, valde, ut fateor, laetati sumus in eius adventu: et ut vestra de-
 mandavit dilectio, privata mente suscepimus eum, dulcissimaeque familiaritatis alloquio
 usi sumus. Est enim, ut agnovi in eo, vir valde fidelis et in sancta devotus relegione.

Vestris quoque syllabis, quae adtulit, perspectis, invenimus eas caritatis penna
 30 perscriptas, cuius etiam caritatis melliflua dulcedine refecti sumus semper a vobis et
 in vobis, quae nos duabus dilectionis alis ad caelum usque Deo miserante portare
 poterit. Et haec est optima pars, quam elegit beata Maria ad pedes sedens salva- ^{Luc. 10, 39. 42.}
 toris, intenta verbum salutis audire ab eo. Proinde maneamus iugiter in caritate
 perfecta, cuius una pars ad Deum tendit in fide et vitae honestate, altera vero proxi-
 35 mos amplectitur in patientia et benignitate. Hoc vero quadrivium vestra, frater
 karissime, intentio pacifice pergat, donec videatur Deus deorum in Sion summae ^{Ps. 83, 8.}
 beatitudinis. In his morare praeceptis, aliosque erudire studeas, ut fidem discant
 catholicam, eamque sobria operum conversatione ostendant, patientesque atque bene-
 fici esse contendat in socias huius laboris animas.

40 263. ^{a)} vestri diocesi *H.* ^{b)} vocar *H.*
 264. ^{a)} fratri *S 1.*

1) *Reginensi anno 791. exeunte — 817. Carolo iam imperatore eum Turonos venisse ex ep. 265 p. 424 elucet.*